



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01-04-6973/23
Sarajevo, 24.10.2023. godine

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO:			
Org. jed.	broj	Prilog	Vrijednost
01-GV-04	1558/23		

GRADSKO VIJEĆE GRADA SARAJEVA
g-din Jasmin Ademović, predsjedavajući Gradskog vijeća

Predmet: Amandman na Izmjene i dopune Budžeta Grada Sarajeva za 2023. godinu, dostavlja se

Poštovani,

U skladu sa članom 124. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), na Izmjene i dopune Budžeta Grada Sarajeva za 2023. godinu, podnosim amandman, kako slijedi:

AMANDMAN

U Izmjenama i dopunama Budžeta Grada Sarajeva za 2023. godinu na ekonomskom kodu 614100- Održavanje vodotoka, uređenje, održavanje i zaštita uređenih vodotoka na području grada, izvršiti umanjene sredstava u iznosu od 10.000,00 KM i ovaj iznos sredstava planirati na ekonomskom kodu 614300 – tekući transferi neprofitnim organizacijama – Udruženje generala Armije BiH.

Obrazloženje

Udruženje generala Bosne i Hercegovine obratilo se molbom Gradu Sarajevo, gradonačelnici Grada Sarajeva, kojom se traži dodjela finansijskih sredstava zbog potrebe hitne zamjene vizualnih simbola Udruženja (potrebna sredstva cca 4.000,00 KM), kao i organizacije obilježavanja Dana državnosti BiH i Dana Udruženja generala BiH u vidu održavanja svečane sjednice Udruženja (potrebna sredstva cca 6.000,00 KM).

Cijeneći opravdanost podnesene molbe i potrebu podrške traženom, to se podnosi ovaj amandman na Izmjene i dopune Budžeta Grada Sarajeva za 2023. godinu na način kako je u istom navedeno.

S poštovanjem,

Prilog: Molba Udruženja generala BiH od 16.10.2023. godine

GRADONAČELNICA
Prof. dr. Benjamina Karić

Dostaviti:
-naslovu
-evidencija

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



BOSNA I HERCEGOVINA
UDRUŽENJE/UDRUGA GENERALA BiH

Broj: 01-160-90/23.
Sarajevo, 16.10.2023.godine



БОСНА И ХЕРЦЕГОВИНА
УДРУЖЕЊЕ ГЕНЕРАЛА БИХ

Predsjednik UG BiH mob: 061/490-993
Sekretar UG BiH mob: 062/502-902
udruzenjegeneralabih@yahoo.com
www.generalebih.ba
Zelenih beretki br.2 – Sarajevo

Grad Sarajevo

n/l Gradonačelnica

prof. Dr Benjamina Karić

Uvažena Gradonačelnice,

U skladu sa našim razgovorom i podacima o našem finansijskom stanju i neplanskim troškovima proizašlih ne našom voljom, obraćamo Vam se ovom molbom kako bi ste nam dodijelili dodatna finansijska sredstva u sklopu rebalansa budžeta Grada Sarajeva.

Kao neplanski trošak, proizašao zbog usmenog upozorenja od strane djelatnice Ministarstva pravde BiH, gdje smo registrovani („neodobrena“ upotreba državne zastave), došlo je do potrebe da zamijenimo sve vizuelne simbole Udruženja. Troškovi koji su proizašli i koji ćemo još morati podmiriti po ovom pitanju su sljedeći:

- Dizajn novog simbola	cca	1.000,00 BAM
- Izrada zastava	cca	700,00 BAM
- Izrada značaka	cca	1.000,00 BAM
- Izrada opreme za prezentaciju	cca	1.000,00 BAM
- Ponovna izrada banera	cca	300,00 BAM
UKUPNO:	cca	4.000,00 BAM

Kao što ste upoznati Udruženje generala Bosne i Hercegovine obilježava Dan državnosti Bosne i Hercegovine i Dan Udruženja generala BiH na način da okupimo svoje članstvo, porodice preminulih generala, zvaničnike koji su na dužnostima koja podrazumjevaju brigu on svim kategorijama branitelja, predstavnike branitelja, nama dragih prijatelja i onih koji bezrezervno podržavaju naše udruženje. Za potrebe organizacije i realizacije ove svečane sjednice Udruženje će morati finansirati sljedeće iznose:

- Izrada priznanja	cca	1.200,00 BAM
- Zakup sale sa tehničkom opremom	cca	800,00 BAM
- Umjetnički program	cca	1.000,00 BAM
- Posluženje i prateći troškovi	cca	3.000,00 BAM
UKUPNO:	cca	6.000,00 BAM

Dakle, ukupni naprijed prezentovani troškovi iznose:

- | | |
|--|----------------------|
| - Izmjena i izrada novih simbola Udruženja | 4.000,00 BAM |
| - Svečana sjednica Udruženja | 6.000,00 BAM |
| UKUPNO: | 10.000,00 BAM |

Cijenjena Gradonačelnice, ovo je inicijalna molba kako bi smo ispoštovali termine predstojećih procesa u gradskoj administraciji. Nadamo se i vjerujemo, da će naše udruženje naći mjesto u rebalansu budžeta Grada Sarajeva.

Za sve dodatne informacije i potrebnu dokumentaciju stojimo na raspolaganju Vašim službama

S poštovanjem,



PREDSJEDNIK

General Rizvo Pleh